

楊文定公詩集

楊文定公詩集卷之三

七言古詩

萬壽聖德詩

聖母大德如天地寔生聖皇嗣天位孝敬仁慈  
慶澤深萬國雍熙衆至治宣德庚戌春二月佳  
晨喜遇清明節聖母聖皇崇孝誠長陵獻陵事  
朝謁孝誠篤志格穹蒼天心感應非尋常藤六  
先驅氾塵空屏翳掃蕩舒陽光五色祥雲擁馳  
道霓旌寶蓋風颺颺京畿民庶揔歡懽奔走周

道呼萬歲山林草木生光輝瞻仰薦興自天至  
二陵巍巍紫霧中虎踞龍盤千里重天造地設  
神所秘嘉與皇明萬世隆太宗神武奠宗國偉  
烈弘謨昭八極仁宗至德恢前猷四海蒼生沐  
休澤聖皇繼統協重華丕隆景運益亨嘉禮樂  
脩明政教逮撫有華夷為一家上惟聖母劬勞  
德慈訓嘉言思佩服孝心耿耿通神明出入起  
居懷顧復維時天日喜晶明親導薦興拜二陵  
黍稷馨香由治化風雲翕合來神靈聖母怡愉

聖心悅存問居民迺阡陌  
髫童皓叟走欵呼惠  
群周恤恩洋溢和氣融融  
遍九垓沛然一雨潤  
枯槁乃知膏澤及萬物  
都自仁慈孝感來憶昔  
夏后塗山氏周室由來  
稱太姒 聖母德澤隆  
家邦塗山太姒誠堪擬  
帝王之孝稱文王詩  
書千古流清芳方今  
聖母有 聖子慈化昭  
昭被萬方萬方皞皞仰  
仁風玉燭調和年穀豐  
聖皇上稱 聖母德聖  
母歸功於祖宗微臣感  
恩拜稽首上祝 聖母  
千萬壽 聖皇萬歲奉

卷八  
慈闈天地日月同長久

麒麟詩有序

正統三年十月癸丑禮官奏言榜第判國進麒麟及方物群臣稱賀咸謂

皇上德被八紘仁及萬方和氣致祥遠人來格臣謹考之誠有所自君德本之聖學知極其明行極其誠是之謂聖學推之冢國天下而準考諸先王而協是之謂君德伏惟皇上臨政之暇日御經筵講求聖賢之學帝王之道祖宗

之聖謨見諸行事致敬於郊廟致孝於兩宮親  
親仁民旁及庶物以畜化成宜有以感召之無  
遠而不至也書曰元后作民父母謂之父母仁  
愛之至也伏惟 皇上崇尚恭儉惇信明義裁  
省冗費輕徭後薄賦歛省刑罰不以口體之奉  
耳目之玩為微求不以喜怒為賞罰閭里之民  
不沾於饑寒各愛其生守禮分者多而犯法者  
少是蓋以父母斯民為心而無所不用其極矣  
書曰匹夫匹婦不獲自盡民主周與成厥功伏

惟皇上以堯舜之兢兢成湯之兢兢惕文王之  
小心日新盛德永久惟一將見大順允臻四靈  
畢至此蓋皇上之盛心實愚臣之至望天下  
臣民之至願也謹拜手而獻詩曰

聖皇盛德被萬方休徵協應年豐穰薄海內外  
民樂康和氣生祥來海邦奇形偉表性馴良周  
旋步武何昂藏梯航萬里朝明堂臣民歌頌聲  
洋洋惟德之至招嘉祥我皇謙抑心未遑日惟  
祖德垂餘慶惟德致和理之常惟謙受益尊而

光惟孝之極思不忘愚臣作歌匪掄揚上期  
聖德齊羲皇丕隆盛治如虞唐蕩蕩浩浩冠百  
王福壽崇尊天地長

題壽星圖

層巒疊嶂高巔屹飛瀑浮嵐紫翠間坤靈終古  
秘竒勝別有天地非人寰南極夫人握元氣太  
乙流輝駐人世扶桑招引南華君萬歲千年  
際嘉會星冠月帔雲霞裾方瞳炯炯顏丹如幾  
見桑田變滄海世上甲子幾湏臾八僊縹緲來



何處青天蕩、碧雲舞指揮白日停羲馭僊童  
玉女薜蘿衣名花異菓相追隨紙驢玉蟾呈詭  
狀變化有無誰究之蒼筠古栢紫芝瑤草露華  
湛、祥風裊瑞鹿僊禽日馴擾人間汗漫說丹  
丘此景分明是蓬島吾聞申呂自嶽降傳說為  
列星群僊何當下太清輔我皇明天子聖人  
萬萬歲四海蒼生歌太平功光宇宙垂休聲

題許由圖

箕山流水清如油誰人洗耳當上流寧知更有

牽牛客以爾汗流不飲牛牛可飲兮耳漫洗聖  
賢出處非徒爾當時稷契不在廷二老寧忘堯  
舜理

題夷齊圖

青山嶺、隱空谷白雲茫、藏古木高人一去  
千載餘春來還如往時綠鷹揚大老伊周徒渭  
川釣竹今已枯不知地下相逢日曾論當年出  
處無

題蔣院判山水圖

層巖削玉凌晴空飛流上與銀河通老松盤臂  
掛絕壁落影浮動橫蛟龍陵谷由來氣推盪亦  
有神物昭靈貺廬山捧出香爐峯太華坐透僊  
人掌龍門砥柱遙相望岷峨西峙東流長平高  
一覽洞入荒瀛海渺、雲茫、主人胸中泉萬  
斛一軟沉疴頓康復披圖酌酒理瑤琴高山流  
水誰知音

題洞庭秋月圖

洞庭楚之勝景也予自己卯領鄉薦赴武昌船

次湖口去岳陽樓半舍亟欲一登扼于同行而  
止庚辰赴試京師甲申南還省親往來迫于官  
程不及一登因賦七言古詩一首以寄興正統  
辛酉仰荷聖恩賜歸展墓於是溯舟而上始  
得登樓一覽以展平昔所懷又賦五言律詩一  
首爰揆厥初已四十三年矣人生幾何哉茲得  
少保永嘉黃公所惠洞庭月圖遂書舊作於  
上以紀歲月云

衡岳回龍捍江水千峯萬嶂排雲起奔騰直向

柳文定公詩集

西南去逆鱗一激方千里長江浩、建、瓴流九  
水茫、覆杯醴不煩神禹勞疏鑿坐見蒼生宅  
平地馮夷稽首讓成功玻璃捧出金芙蓉分明  
勝槩在指顧直與天地相終窮岳陽樓高幾千  
尺下瞰君山一拳石風恬浪靜日晶明頃刻烟  
雲混朝夕紛、重利輕行遊南來北去無停舟  
眼前物色揔謾爾何人獨抱江湖憂呂、僊踪跡  
竟茫昧大喬白骨埋荒丘山川依舊俯城郭湖  
上行人空白頭

題蒙城王氏先隴圖

夷陵東下行平陸  
油河水繞溪山麓  
三槐世冑居蒙城  
先塚累、列昭穆  
連岡起伏相送迎  
雲來雲去為陰晴  
宰水沉、歲白日佳  
城藹、昭坤靈  
水必有源木有本  
剝澤餘光貽厥胤  
翰林文物經濟才  
萬里亨衢由發軔  
昔遭內艱屈墓廬  
日啜饘粥夜讀書  
麋鹿相忘豺虎還  
新栽松柏巢啼鳥  
重來京國經幾載  
悵望鄉關白雲外  
稅得先塋咫尺間  
一度朝回一增慨  
予家舊在

油河濱恒喜蒙城民俗淳子孫歲時上先隴烹  
羔釀酒邀比鄰秋風禾黍徧田野平林日夕牛  
羊下里胥不到鷄犬寧腰鼓逢、賽春社撫卷  
從容寫素情人生賢孝不徒生連城美玉世希  
寶崑崗萬古高其名

南安劉公以刑部郎中陞授荊州太守荆鄉  
郡守重取公廉明克稱余荆人也知必能福  
吾鄉之民特賦以贈之

漢廷貴重二千石荆郡於今百萬家詔還循良

敷惠澤民安田里無咨嗟湘江霜餘清徹底楚  
天殊高曉開霽行看五馬報政來衣冠同慶貞  
元會

梳髮吟

去年梳髮、披面今年梳髮到眉丰有時梳落  
三五莖細若秋毫看不見却思昔在少年時髮  
纓委地烏雲垂千梳萬梳始成髮曉憲每恨讀  
書遲一從呈朴歲云文學業荒疎成白首高官  
厚祿荷主恩欲報涓埃竟何有唐虞民物躋



雍熙孔孟環轍徒驅馳人生七十古稀有對酒  
高歌頽卉詩

感古漫成

文王十子孫百計宣聖一子而一孫武王周公  
稱大聖管蔡霍叔言無根伯魚不幸先父卒子  
思中庸千古存子孫賢德多固好多而不肖足  
何云世稱堯舜人倫至丹朱商均殄厥世教姜  
不哭文伯死思其為人多曠禮夫子慟淵勝伯  
魚非薄其子厚其徒此道存亡淵與俱人生賢

德世所貴子夏表明恩義茲嗚呼延陵羸博情  
交備

題竹贈新安太守

新安溪流清徹底人稱太守清如水三年報政  
來京華一束琴書當行李太守年來兩鬢霜喜  
承恩詔喜還鄉宦途聲迹冰霜皎故里松筠  
歲月長古人出仕有定志利祿紛華非所計阿  
堵黃金娛目前百年適足為身累右軍昔日守  
東甌五馬金鞍今在否孫君孫君良有道一簞

信足終身寶  
錢君欲唱陽春詞  
調高但恐知音稀  
臨岐歌折金臺柳  
柳枝憔悴風後凋  
園分得青琅玕  
清風高節不易攀  
貌得一枝贈君去  
林下從容歲晚看

題王伯宣雪梅圖

我昔家山讀書處  
士林開花千萬樹  
宦遊京國四十年  
夢裡梅花滿歸路  
覺來却憶讀書時  
遊息花邊心境怡  
風回雪際寒香遠  
月轉林梢疎影移  
西湖水淺歲云暮  
羅浮山高隔烟霧  
此身

可望不可到誓將老節共清素三槐世澤毓俊  
材幾年東閣同觀梅披圖緬想調羹叟千載商  
巖重回首

題竹贈黃吏部

湘江一枝春雨曉臨岐贈君永相好德慶汪洋  
千頃波進退從容四朝老國家都邑眷賢良天  
官位望崇儀表人生離合不可常但期共保冰  
霜操

送施尚書赴南京

畫船曉趣霜風起故人明朝隔千里寬平憲部  
老尚書文雅先朝名進士長江天塹喜重遊虎  
踞龍盤膽王氣卷阿拾得鳳皇毛贈君長表  
殷勤意

題竹贈張大參致仕

昔年與君會武昌紅顏對酒照春陽此日金臺  
興君別尊前兩鬢飛霜雪棘寺薇垣三十年宦  
途夷險揔忘言誰能優詔懸車日選戲班衣壽  
母前武陵溪深洞庭濶萬里清光九罇月相望

不盡故人情終期歲晚同高節

蘭雪軒

軒居瀟灑時遊憩雅好分明寓高志馨香不與  
凡卉同潔白欲稱天下最洛陽牡丹久寂莫平  
泉花木今荒穢我歌湯侯蘭雪吟更覺乾坤有  
清氣

竹枝歌

積薪之下莫厝火燃池魚亦不存九齡得誅  
范陽賦杜甫不作哀王孫

題竹贈曹縣令范希正翰林夏仲昭寫墨  
竹一幅寄其鄉友曹縣令求予題希正文  
正公之孫也予樂為之賦云

霜毫貌得湘皋竹煙雨霏、數竿玉千里故人  
誰寄書每對清風詠淇澳曹南大尹文正孫瑤  
琴綠酒盡堂春欲樹聲名繼先哲好把貞堅如  
此君

題松鶴圖

澄波光搖千頃碧老松盤根萬年石孤鶴長鳴

聲憂然仰見紅日升東天此景人間何處有高  
人胸次良工手何端跨鶴青雲端同向蓬萊頂  
上看

竹枝歌

項羽爭雄稱霸王烏江一水閑存亡亭長賊舟  
不肯度此心庶耻終難忘

題墨梅

宦遊京華三十載每憶鄉山湘水濱千樹萬樹  
梅花開村前村後香襲人怜茲潔白世稱最况



是調和味更真時同良伴縱清賞高歌白雪開  
芬尊別來星華滿鬢霜幾度中宵勞夢魂妙筆  
何人得天趣歎然寫出江南春披圖倍起還鄉  
念日逐飛鴻度楚雲

題泛槎圖

銀河耿耿溼清輝何人乘槎萬里遊君平假卜  
談至理肯謂客星犯斗牛往事悠悠幾千載東  
君雅趣雲霄外高堂明月夜揚輝彷彿神遊過  
瀛海

題城南茅屋

侯門甲第連通衢，簪纓滿座鳴笙竽。  
誰家茅屋城都外，但聽兒孫日讀書。  
屋邊種樹春陰綠，餘雨簷下多栽菊。  
有時獨坐對南山，把酒臨風歌考槃。

題竹石

何人鑿透青山骨，分得雲根伴脩竹。  
清風暮送宿雨收，晴光曉拂烟梢綠。  
平泉寶玩今無有，蔣家三徑成丘墟。  
贏得貞堅但仍舊，人生百歲當

何如

題竹贈王憲副

金臺霜柳不堪折  
分得琅玕贈君別  
駕車後夜渡閩關  
千里秋風九秋月

題黃養正梅

羅浮山前花滿村  
西湖萬樹揚清芬  
獨憐上苑有嘉植  
年、開遍瑤臺春  
丰神滿酒冰霜索  
六花飛來變無迹  
黃封酒汎賞筵香  
題詩總是詞林客  
何人妙筆奪化工  
主人堂上生春風  
良夜

釣簾對明月人與梅花冰鑑中

題竹翰林編脩謝重器得墨竹一幅識者

妙之重器將以奉乃兄重安請其上云

璽署朝回日無事坐對琅玕多逸思忽見天南  
群鴈飛却憶元方千萬里閩山越水天之涯季  
方遊宦居京畿春草池塘頻有夢連床風雨知  
何時琅玕箇一捲雲立落雲滿地根盤石四時  
煙雨共陰晴百年風月同朝夕元方久抱冰霜  
姿素履從容介壽祺殷勤為致平安意貌得琅

玕寄別離

題梅贈德安范太守

喬木人家漢水陽，滿林黃葉飛秋霜。獨憐太守  
居官勝一樹梅花歲晚芳。太守生平冰霜操，公  
退梅花供咲傲。綵毫百詠羅浮篇，瑤琴數曲陽  
春調。香風欲散靈雨初，麥隴桑田勸課餘。回看  
梅花已成實，緬想民俗今何如。

贈彭大參

楚山秀湘水長，秀氣薄雲漢。老幹凌風霜，好數

清陰遍千里高歌蔽帟同井棠

環秀堂為李御史賦

高人懷抱多清致卜築還宜幽勝地一窓雲氣  
泛晴暉半簾山色來空翠芳繁空谷誰復過綠  
酒瑤琴日相對方今草野無遺才東帛行看自  
天至

接武堂

君家世澤流清芬百年相繼承  
君恩待漏曉  
趨丹鳳閣退朝日直黃金門  
致身每幸多勲

積善乃生賢子孫行看養就凌霄翮青雲萬  
里誰能馴

為鄉友程司務題雪梅

予家世住湘山麓勝水名山嘉草木江蘭岸芷  
四時青雪後驚看梅噴玉雲水亭園花滿林竹  
樹人家香滿屋一色總睒天下白孤標先向春  
前綠憶昔讀書乘餘暇載酒携琴到林下臨風  
載鼓陽春詞人與梅花共幽雅自從挾策遊帝  
鄉家山在念日相望宦途夷險恒自信不覺兩

髻飛𦚑霜程君磊落青雲士  
叢跡湖湘鍾秀氣  
闕下相逢已有年  
那知深與梅花契  
畫圖一幅橫軒窓  
朝回一玩百慮忘  
西湖羅浮在何處  
對境但覺心悠揚  
竭來史館索予題  
老懷枯澁情難遠  
人生所貴在清白  
撓之不濁涅不淄  
萬物無情隨所好  
耳目所及心所之  
聖人體念由自得  
樂水樂山非勉為  
以禮制情萬善集  
以物徇物百行虧  
召南有詠感仁化  
說命和羹胎訓詞  
淵明愛菊千載士  
濂溪愛蓮吾道師  
吁嗟君子



宜好德披圖高詠燕民詩

題馬

雪花御子白鼻駒昔年踪跡遍湖沙陰山月落  
識平道西苑寒莎共歲華玉頂紅紗溝汗血玄  
鬣海驕脊削鐵耳毫長振玉關風足距狔穿青  
海雪方今四海樂昇平遺虜歸化邊塵清奚官  
擬養龍媒老誰寫春風入畫屏

輓王知州父

肝江處士三槐後奕葉芬芳培植厚綠水青山

人百年清風明月詩千首夢隨孤鶴入遼天雲  
起滄溟黯晴晝賢郎述德思不忘太史銘詞昭  
永久

題松節卷

南昌高士冰霜節平生愛松如愛客上招僊鶴  
引鳳皇下種茯苓成琥珀秀氣遙接廬山雲餘  
蔭深涵彭蠡澤賢郎年少遊烏臺行看龍章表  
真跡

輓林御史父

余聞閩中有高士平生與世殊相忘膏粱不易  
穀粟味布褐恒如羅綺香黃金買書教諸子紫  
誥錫命昭龍光槐陽夢斷白日晚海天愁思  
杳茫茫

同邑張應道從玄教自南京還賦詩贈之  
吾聞方外有高士僊骨自與常人殊神遊寥廓  
蓬萊近渴飲沆瀣滄溟枯碧桃結實大如斗石  
穴流成明珠黃鶴磯頭泊歸棹好問斯人今  
有無

題吳歙山水

白雲繞山麓流水平溪橋山中人家茅為屋水  
可漁兮山可樵衡門掩羅徑林臯繁蘭撓山翁  
曉未起陽光浮雲稍太平到處足為樂却笑桃  
源歸路遙

題龍

君我在昔稱虞舜子育黎元躋大順于時有龍  
列九官出納命令曰惟允方今聖人克舜同  
廷臣濟：分夔龍好為蒼生作霖雨普令四海

歌時雍

楊文定公詩集卷之四

五言律詩

永樂甲午遣二子隨母歸省老親

二郎絕解語季子來周年我念慈親老渠隨阿  
母旋風波孤棹遠骨肉寸心懸何日歸田里還  
能慰目前

重過小孤

誰鑿闌江石成功大禹先百川同赴海一柱獨  
擎天日出潛蛟舞風來過鳥旋重遊任夷險但

見雪盈巔

謾興

歸棹隨遲速  
閒中萬物情  
山高入望遠  
江濶水流平  
尊酒推蓬飲  
群鷗傍櫓行  
眼前無限趣  
漁父唱歌聲

洞庭

九水來春漲  
洪流挾巨川  
楚天同浩蕩  
衡岳任回旋  
飛鳥晴雲外  
歸舟落日邊  
白頭重歷覽  
憂樂仰先賢

離家寫懷

祖席朋尊酒滄江萬里槎  
超朝非繼祿為國久忘家  
疲馬知年數飛葭感物華  
故園今夜月咫尺若天涯

正統三年十月望日飲少傳建安公家醉  
中贈其季子允嘉

伯起多遺澤宣尼畏後生  
讀書終有日立志豈無成  
老柏千年秀長江一派清  
阿翁位台鼎珍重維家聲



輓鄧給事母

宿草淒霜露宰木黯風烟  
遊子哭慈母有淚徹  
重泉客衣餘針線口澤存  
拈捲行看錫恩命  
載歌賢孝篇

輓王侍講父監丞

淒風弭古木落月澹餘輝  
慨嘆人中傑于今眼  
底稀辟雍多士肅銀漢一  
槎歸遺澤永  
天寵  
朝陽綵鳳飛

送衍聖公東還

酌酒金臺下停驂古道周龜蒙開闢里洙泗故  
清流昭代尊崇盛開孫道藝脩雲程飛鴈香離  
思共悠悠

送高郵韓太守考滿復任

我昔過孟城聞君有政聲一誠能格物百姓總  
稱平租稅頗年足桑麻遍野生行看書國史鄉  
里亦光榮

感懷

生見姝鴻盡其如歲宴何老懷憂責重瘦骨覺

寒多返照晉瓊署飛霜滿玉珂有時思故舊高  
詠考樂歌

寫懷

七十又三春為人到幾分知非懷伯玉後樂愧  
希文暮景詩多澁衰顏酒易醺何當酣簪綬高  
卧息勞筋

稅楊長史

金臺相見日彤彤曳裾時父子承恩寵未封  
肅禮儀鳳毛煇雨後鶴夢海天涯慨嘆人千古

徒存有道碑

紫芝山房為鄭尚書賦

紫芝初寄迹黃閣早登名傳野商霖雨隆中漢  
股肱經綸閑素志閒望屬蒼生未許閒猿鶴重  
尋舊日盟

閑蟬

閣下聞蟬噪涼颼早報秋暮年驚物換菲賁愧  
時脩二炁盈虛內群生化育周何堪鄉思切一  
鴈過高樓

送漳州李太守

文雅皇華使溫醇粉署郎一麾臨海郡五馬過  
家鄉尊俎親朋會衣冠雨露香行看宣聖化  
國史紀循良

過百步洪有感

路出彭城郡朝過百步灘元官趨大吏淹祀託  
狂瀾舟到中流穩人由坦道安生來懷故舊黃  
鳥韻綿蠻

送彭僉憲之官廣東專理學政

木鐸聲孔微吾徒日風靡翹翹玉堂僊瀾瀾皇  
華繼良農有嘉禾善陶無窳器珍重表斯文允  
慰睽離意

酌酒與君別抱琴為君彈促絃無賞音更張良  
獨難極撲歌書者免且本閑、至化不易致達  
人宜大觀

楊文定公詩集卷之四終

楊文定公詩集卷之五

七言律詩

赦後感懷四首

紫霄雲蓋捧龍章  
浩蕩恩波遍八荒  
枯孽偏知生意好  
春暉何幸暮天長  
十年事業書千卷  
一札平安淚幾行  
馳想故園霜雪後  
舊時松栢獨蒼蒼

重著儒冠拜九天  
喜從親友話當年  
薰葭豈惜風霜老  
尺蠖寧知歲月遷  
魏闕龍光紅日表  
楚

楊文定公詩集

山花木白雲邊人生每恨知非晚  
雙鬢憐予已  
粲然

醴索悽悽白髮生朝衣又聽曉鍾聲  
升沉已信  
皆吾分貴賤誰論有世情  
阿閣朝陽鳴鳳集微  
垣午夜泰階平斯文千載逢嘉運  
好詠鳧鷖答  
聖明

八袞慈親萬里家十年踪跡混泥沙  
繁霜不老  
冰崖朽木兩能開鍊樹花  
澹澹從容新歲月詩  
書珍重舊生涯鳴佩又趨金闕曉  
愛龍濟濟仰



重華

玉屏雲氣為江紀善賦

侍御門閣奕世榮柯山漱水共清冷峰巒隱約  
開天障煙靄蔥蘢擁地靈陰壑日初千頃白長  
松雨後半梢青東平文學辭家久鄉夢初醒月  
滿庭

懷仲禮僉憲寄家書

十年踪跡歎雲泥解後匆匆酒一杯驄馬秋風  
心共遠玉堂曉月夢初回舞雩真樂懷沂浴前

席蒼生陋漢才  
屬誥寧親新有詔  
東山同訪舊時梅

送潘檢討告除本郡教授南還

藍袍負笈早朝  
天夢裡東甌  
四十年湖海歸來  
霜鬢客裏  
比坐擁玉堂仙  
芹香泮水春初雨  
月滿江心  
酒後船烟樹  
重重頻在望  
平安好寄鴈南旋

挽江紀善母

萬里殘歌白晝陰  
誰將哀些繼餘音  
百年主饋

承宗事千里回珥教子心萱草滿庭春寂寂慈  
烏啼月夜沉沉南州高士清風遠東望華亭一  
悵吟

隨 駕耕籍田二首

鳳輦鸞輿出 九重籍田百畝 禁城東北民  
衣食三推足九廟粢盛萬世崇詔賜田租存漢  
史詩成王業有豳風青陽浩浩春如海千載洪  
熙八蜡通

東郊農事肇陽春 帝籍重開禮度新一念艱

難知稼穡四時秬堂表精裡和風甘雨豐年兆  
瑞麥嘉禾喜氣臻雲外日華雙闕曉鸞輿  
回蹕奏韶鈞

為楊主事賦交松

高誼誰如十八公主人林下有清風昂霄器宇  
冰霜後間世英華冷淡中蓬島馳書來白鶴其  
霧慰望起蒼龍孔明老柏今還在行看鸞輿貢  
九重

遣祭壽亭侯廟

一代君臣氣誼同  
千年香火著尊崇  
中原割據英雄策  
大義分明國士風  
古廟昏鴉朝玉壘  
碧潭春雨護龍宮  
獨憐銅雀貯歌舞  
不入皇家祀典中

送胡祭酒先生致仕

春風桃李舊門庭  
冠蓋趨陪白髮生  
金匱有書傳太史  
辟雍多士仰司成  
九重優詔龍光綯  
千載斯文畫錦榮  
柳外扁舟湖水曉  
酒杯不盡別離情

為楊主事題愛竹

萬梢香藹藹層陰林下何人託好深  
雨露涵濡先世澤水霜高潔百年心  
芸憲綵筆留鴻迹月樹瑤琴協鳳吟  
淇澳漪漪千載詠白崖應得寄餘音

遣蔡蘄獻王

寢園松竹已成阡彫卽容儀尚儼然  
向使河間躋壽考其陪醴席度餘年  
春風麥隴孤村路落日人家幾處烟  
對命有成天闕迥臨岐不忍

促歸鞭

寄宗海先生備謨

闕下相逢憶往事  
尊前夜話思依依  
半生髮鬢愁中老  
四海交遊眼底稀  
暮雨歸鴻懷故旅  
春樓燕語惜餘暉  
仲山座上多賢士  
應有嘉猷補衮衣

送黃約仲檢討除鄉郡教授

傾蓋朝陽憶往年  
東風回首雪盈巔  
翰林清致多詩什  
鄉郡諸生舊講筵  
雨後閩山秋入翼  
潮

頭海月夜隨船懷人頻有梅花夢應逐飛雲落  
日邊

送李參議

飛鴻帶雨過龍津祖帳初開曙色新  
衡鑑由來天地準藩維應得老成人  
中原風俗巡行久上國江山入夢頻  
柏府堯俞如借問故人還列舊儒紳

挽王處士

獨憐策策弱冠時重關霜露苦棲其起家不美



陶朱術遺世寧歌寧戚詩梅屋香浮春到早松  
濤夢到鶴來遲簪纓却喜賢郎貴天道於今信  
有知

送常山令高汝大

幾載聯鑣謁桂坊憐君白髮尚爲郎孔孟絃誦  
開鄒魯密縣褒封過漢唐航外飛鴻煥共遠天  
南列宿夜增光龍河艤棹重回首雲接鍾山紫  
翠長

奉冊追封新獻王感懷

寢殿沉沉掩夕暉侍臣猶憶舊風儀周旋  
冊追封日養戀經筵禮遇時新國土田誰與  
祀綿山草木不勝悲幸存美謚昭王化麟趾  
關雎有讀詩

送張司諫致仕

湖海星霜入鬢絲九重優詔許歸時  
年盤學術商規範角里衣冠漢羽儀  
玉佩聲聞山月曉松濤夢覺午陰遲  
江鄉煥到飛鴻早天際停雲正爾思

奉使出德勝門

北出都門半日程  
霜風一騎曉塵輕  
山盤幽薊開天府  
地擁雲龍接太清  
千里丘原車馬道  
萬家禾黍輶轡聲  
夕陽回首飛鴻去  
却憶金陵是舊京

送錢侍講南還焚黃

鹿鳴歌徹喜朝  
天回首鄉關二十年  
冠冕文章稱內翰  
詩書光寵到重泉  
塞鴻南去朝隨馬  
淮水東流曉放船  
瓊署煇高霜月夜  
陽春一曲

託鳴絃

凌給事中乃尊冠帶還鄉賦賜老堂

半生江海任升沉  
回首春風雪滿簪  
池上鴈聲千古瑞  
山中猿鶴百年心  
雲開天日煇屏遠  
霜落茗溪曉鑑清  
紫詔龍章昭盛美  
漢庭誰羨二疏金

送劉子偉叅議

金臺歸騎逐飛鴻  
南望滇陽鳥道中  
萬里賢勞霜鬢改  
十年故舊一尊同  
棠陰車馬開春雨  
梓

里衣冠尚古風月轉玉堂鄉夢覺錦袍蘭棹楚江東

慶王學士兄六十壽

難兄六十究遺經難弟文章早擅名  
雙鳳不隨梧竹老三槐長共子孫榮  
詩歌瓊署憐同氣酒出天厨寄遠情  
春草夢回東閣曉喜看南極一  
星明

慶陳學士兄六十壽

德星光彩接天津瓊署儒僊睇望頻  
甲子一週

人未老弟兄千里分尤親碧堯花底盈尊酒綵  
服庭前滿座春百歲從容太平日誰云復有葛  
天民

偶成

月轉南窓夜已分每懷經濟屬儒紳惡裏但願  
群生遂萬累那干寸地春伊傳勛屬闡世運夷  
齊窮餓重羹倫先王禮樂千載在況是冥冥有  
鬼神

稅何醫士

卜居每幸得芳隣相并無聲倍慘神醫道幾年  
推獨步恒心何處有斯人賓朋共飲長拚醉山  
水清遊不厭頻際遇先朝多寶翰謾云簪綬可  
榮身

表弟王廷玉由無為同知拜合州太守暮  
年相別客中賦此以贈之

六十餘年老弟兄宦遊離合總關情一尊喜共  
金臺飲五馬遙看蜀郡行故里親朋相候問先  
莖草木倍光榮讀書得領專城命肯使龔黃獨

擅名

瑞雪詩應制

聖主精誠格上穹  
喜看飛雪遍長空  
九重闔闔  
闔瑤臺表萬國  
山河玉鏡中和氣  
綢繆彌海宇  
恩波浩蕩及昆蟲  
太平自古多豐歲  
民庶謳歌四海同

丙辰除日

又從時俗飲屠蘇  
漸覺年來雪滿顱  
黎庶但教無菜色  
官居何必有桃符  
乾坤幸際文明運  
治



化光昭列聖謨明旦衣冠朝  
鳳闕九韶音裏  
效嵩呼

賜榮堂

虎榜新題姓字香  
金鑾優詔許還鄉  
千年奎壁開文運  
四海英賢沐寵光  
綵服庭前人似玉  
紫金花底酒盈觴  
讀書何幸逢堯舜  
肯使夔龍獨顯揚

題楊卿東閣草亭卷

東郊雨過暖風微  
天宇清明萬物熙  
勝景適逢

休暇日斯文同樂太平時綠楊分影隨歌扇紅  
香飛香到酒卮賓主相忘歸去晚平安笑諫五  
絃詩

挽黃夫人

拭淚重看太史碑升堂曾得拜容儀  
三朝錫命褒慈德八袞高年際盛時  
同室已諧偕老願賢郎忍廢蓼莪詩  
海天在望東甌遠白馬青鸞未有期

送方廷玉

凌霄羽翮早騫騰粉署多年有俊聲  
鳳誥鸞章先世澤錦袍蘭棹故鄉情  
天連衡嶽群峰秀秋入長江萬里清  
送客重懷歸去路塞鴻飛處白雲橫

送呂敏中縣丞

斯文千載際亨期雲錦天章錫命時  
先壠松楸新雨露故家詩禮舊磁基  
潞河月上舟行早彭蠡烽高鴈到遲  
親友相逢歸白髮好歌頻并醉金卮

送同鄉瞿伯和

黃金臺上望維揚  
雲樹重重鴈幾行  
謾說仙人騎白鶴  
每聞孺子歌滄浪  
紅蓮碧水郎官署  
綠柳清陰佑客航  
却憶當年相逐處  
驛樓風送藕花香

贈唐太守

客邊遠去每思君  
邂逅論交氣誼真  
久仕每憐無行輩  
暮年却喜有斯人  
宣揚郡政多仁恕  
訓釋經書重討論  
况是同鄉大宗伯  
斯文珍重最

相親

武進唐君予同年相違久矣茲以平樂太守考滿將告老而歸予嘉其有學有政始終全美賦此識別

題廬山圖

少年曾泛九江船江上廬山在眼前一片陰雲飛絕頂千尋瀑布掛長川東吳渺渺晴虹外西蜀迢迢落日邊披玩斯圖想疇昔獨憐遊宦雪盈顛

贈彭布政

書館相親揔俊揚  
羨君遊宦最軒昂  
臨淮九載多桑棧  
表頰年有雪霜旌  
節從容經故郡  
衣冠光彩過家鄉  
斯文幸際昇平世  
坐對棠陰化日長

贈鄒友方廷玉

千里巴陵楚水隅  
山川毓秀耀亨衢  
私宣聖化賢方伯  
表率官僚上大夫  
春雨錢塘溢膏澤  
秋空海月湛冰壺  
朝廷圖治番耆德  
莫謂

年來雪滿顙

鄉友方廷玉任浙江布政司考滿來京以  
年及七十請致仕詔以其勩力未衰復其  
任蓋為民計也賦此識別

挽徐母

南州高士已多年又見名門母氏賢千載香名  
書信史群公哀挽託詩篇平原草長春多雨新  
塚烏啼月滿天聞說賢郎崇孝道仰懷慈訓日  
拳拳

奉賀大鴻臚卿新居

華居新構鳳城東  
百役從容喜就功  
地位高明諧士望  
家聲清白亢宗琴  
尊夜對金臺月  
劍佩宸趨紫禁鐘  
駟馬高車來長者  
漢庭未必讓于公

送黃宗豫

南極光芒燭紫微  
北門風采絢朝儀  
喜逢昭代推恩日  
揔羨賢郎具慶時  
紫誥龍章新寵渥  
青山白髮舊襟期  
西風一舸龍江曉  
柳外



宮袍照酒卮

送歸州太守復任

青年太守好風儀  
眼底如今更覺稀  
典郡遙臨  
已子國征帆重過  
呂公磯  
茶輸官稞  
秣前足稻  
種山田  
火後肥  
南望鄉關頻送客  
歸心遙逐塞  
鴻飛

送金典籍乃尊還鄉乃叔鉉翰林博士

秘書喜見賢郎貴  
掌故尤稱仲氏奇  
春草共談  
千里夢  
綵衣深慰百年期  
故園黃菊盈尊酒  
客

路青山滿卷詩嗟我久懷迎養志送君倍想別  
親時

送漢陽同知潘文奎常為行人陞司直

皇華玉節舊仙郎別後分符漢水陽宣室又聞  
來賈誼覃懷今喜得王祥萬家喬木王風遠千  
古江流禹蹟長見說歸舟在明日欲依蘭棹詠  
滄浪

送縣令之官

昨夜南天列宿明曉看琴劍出都城誰云縣邑

非賢路幾辱絃歌似武城官舍夕陽從吏散東  
郊霖雨勸農耕旅舟明日丹陽道回首偏多戀  
闕情

東莊農業為李尚德賦

萬事相忘尊酒前多君到處說君賢黃金不入  
關西宅白髮誰耕隴上田春雨川原懷禹蹟秋  
風禾黍慶堯年行看竹帛徵遺老好進幽風七  
月篇

挽翰林庶吉士王導乃尊

紫芝歌徹海雲低，慨嘆人生七十稀。  
尊酒湖山成往夢，扶藜松菊黯餘輝。  
江心暮雨群鷗遠，鴈蕩秋風一鶴飛。  
令子欲歸歸未得，幾回東望淚沾衣。

祝秦府鄭教授

昔年芹泮擁臯比，旋向雲霄振羽儀。  
宣室舊聞前席夜，東平重見曳裾時。  
一庭風月閑春草，千古詩書入髻絲。  
回首鑑湖清夢杳，天風開遍桂花枝。

題武侯廟

乾坤草昧風雲合王霸經綸日月明周室中興  
期召虎商人易世倚阿衡剡闕北望天難盡江  
水東流地不平事業茫茫公論在紫陽大筆表  
王正

寄楊行簡

楚山迢遞白雲阿灤水風霜歲晚多鄉信有無  
誰處問慈闈安否夢中過焦桐猶記孤鸞操渴  
鮒終懷一勺波幸有詩書誰不忘愁來時詠竹

枝歌

中炁

玉露生寒透客衣  
碧天涼月自相宜  
半生親舊知何處  
萬里清光共此時  
林外驚看烏鵲影  
尊前載詠鵲鳩詩  
少陵千古鄜州思  
贏得嬋娟照別離

移居寄張金用誠長史

邂逅驚看雪滿簪  
卜鄰寧肯惜千金  
衣冠接武朝  
早尊酒論交到  
夜深暮雨西山同  
駐望

蒼生前席每留心昨霄一枕城東月夢裡足  
喜足音

直弘文館

千載絲綸屬翰林西清瑣闥晝沉沉地嚴徒有  
交游念恩厚難忘犬馬心玉露聲高三殿近  
彤庭日轉八磚陰幾回欲寫封章進祇恐迂疎  
論未深

長州漁樂

具區流水出吳淞百歲生涯逐短篷款乃數聲

杯酒後繁華千古釣絲中  
白鷗夢遠蘆花月綠  
渚香生杜若風只恐鶴書來日下滿江烟雨付  
飛鴻

題湖海贈言卷

虛舟無意逐流波湖海歸來兩鬢衰  
足跡共稱司馬氏陽春誰繼郢中歌  
東陵猶鶴風霜老上國衣冠故舊多  
厦屋衡門千古詠人生窮達竟如何

宣德元年歸省過南京



聖代方輿混八埏先王定鼎萬斯年東南財賦  
供輸足西北邊防勢足全江浦共流宗大海鍾  
山王氣接青天詞臣十載重回首瞻拜松楸思  
悵然

途中謾興

昭代方輿混八紘仰懷前烈載經營萬年家國  
開天府四海舟車達帝京官府頻年無橫政居  
民到處有歡聲勅天歌詠存千古永保承平荷  
聖明

楊文公集卷之四  
江湖萬里湛恩波歸棹從容過濟河農作有時  
公事少權酤無禁酒家多詢人每得循良吏問  
俗頻聞里巷歌但覺春深猶未雨却慚調燮竟  
如何

感興

暮年何幸際時康尊酒蓬窓喜欲狂到處流民  
皆復業舊時丐食有餘糧井閭秩秩新開市桃  
李陰陰古戰場況值朝來甘雨降麥苗回秀被  
崇岡

喜雨

春初少雨到春深感格蒼蒼在  
聖心曠遠沾濡無赤地分明  
懸瀟是黃金連村桑麥雲烟色  
滿社人家鼓吹音自古豐年昭  
治化高歌載作匪斯今

拜孝陵

山川翼翼拱喬陵江漢滔滔繞  
鳳城故老每懷先帝德祠官猶  
識太常卿千年王迹昭全盛四  
海蒼生樂太平回望北京天咫  
尺

聖明端拱保盈城

閒中寫懷

蚤着藍袍出繡林于今霜鬢映朝簪窮通寧肯  
干非分俯仰期無愧此心百畝尚存先世業一  
經揔勝滿贏金人生歲月如流水前哲由來惜  
寸陰

送提調學政黃允憲

叔度遺風百世存 皇華美詠重咨詢  
柏臺翠積冰霜老岸泮香餘雨露春  
嶺傲幾年頻有雪

越裳萬里近來賓  
宦遊碩覩清平治  
莫羨埋輪事絕倫

賀魏尚書

憐君未老即辭官  
步履如何出處難  
千載聖明方茂德  
萬邦黎庶尚圖安  
玉田嘉穀隨時熟  
丹井清流歷夏寒  
仰荷天恩思報稱  
好親藥石重加餐

賀胡宗伯新居

西望群山擁翠微  
東瞻禁闕綵雲垂  
門庭洞豁

由心術賓昨分明別禮儀  
頌禱斯諧君子願熊  
羆夢叶古人詩每聞公退  
多情思坐對南軒詠  
素絲

草詔夜直東閣

三殿新成啓正朝九天雨露布餘膏  
斯期率土民生遂豈惜衰年職事勞  
奎宿光臨東閣遽駭稜影接北辰  
高聖明有志唐虞盛贊理深慚  
匪契臯

扈駕謁三陵

三朝弓劍闕玄宮千載衣冠儼聖容  
丘隴分明昭儉德山川氣槩接蒼穹  
封中雲送三春雨華表風生萬壑松  
仰荷吾皇崇孝理此生何幸際時雍

聖主方隆繼述時三陵在望每馳思  
龍旂曉出天衢淨寢殿雲深輦步遲  
萬里江山增秀色九原雨露有餘滋  
侍臣陪拜松楸日白髮蕭蕭淚滿頤

賜觀九龍池

六丁不執九龍還猛氣橫生叱咤間玉斧劈開  
千丈石銀河飛下九重山時為井澍蘇民望  
解與浮雲竟日閑先帝經行時訪問豈因遊  
覽重躋攀

進士傳臚

傳臚閭闔曉開晴天意昭昭啓太平聖主尚  
賢陳禮樂儒生何幸際文明朝陽共覩祥雲見  
阿閣重開彩鳳鳴珎重吾徒知報稱好宣惠澤  
福蒼生



登觀象臺

象器高張製作工  
靈臺重見屬城東  
九天星斗三辰表  
萬國江山一望中  
占侯由來關治化  
經營不日見成功  
仰承恩意登臨處  
豈憚衰年足力窮

橘井為太醫李思訥賦

誰識醫家有正宗  
玉泉原與上池通  
獨存靈迹千年後  
解愈沉疴一軟中  
甘谷泉香付流水  
董林嘉樹老煇風  
蘇耽羸得清名在  
莫羨江南萬

戶封

送吳編脩省親還安成

十年簪筆侍彤墀  
萬里家山楚水湄  
遊子光榮歸省日  
慈親壽考太平時  
紫荊花底人如玉  
絲服堂前酒滿巵  
重斯文圖報稱  
肯因桑梓重遲遲

送劉編脩歸省

七十高年古亦稀  
況君有子侍彤墀  
宮袍揔喜榮歸日  
綺席重歌具慶詩  
紫誥龍章昭世

澤碧梧翠竹長孫枝親朋相聚多情話何幸人  
生際盛時

翰林編脩永新劉定之歸省適其尊府封編  
脩君七十之期也睽別之餘得展嘉慶其樂  
何如於其行詩以賀之

怡壽堂為中書何觀賦

堂前諸子舞班衣堂上雙親鶴髮垂共喜百年  
偕老日況達四海太平時瑤環瑜珥生光彩綠  
酒金尊介壽期元方膺寵命錦箋銀管侍

形輝

歲暮書懷

慨嘆光陰似轉丸，獨憐事業愧前賢。  
衰顏藉酒祇成醉，老眼看書不盡篇。  
春兩浮鷗同浩蕩，暮年歸鳥任周旋。  
太平有自殊無補，高詠幽風願有年。

蕭蕭華髮映朝簪，渺渺飛雲楚水濤。  
凍鵲猶知生處樂，故園偏繫老來心。  
兒孫賢孝斯為寶，詩禮流傳勝積金。  
自歎百年如轉燭，却懷前哲

惜分陰

雪山

九仞無勞覆一杯天工人事共綢繆六花次第  
成瓊島五老分明慶白頭水壑生輝朝日上瑤  
琴競秀暮烟收行看滲澤蘇群蟄不計巖巖近  
斗牛

重惜冰花手上杯高低隨意勢相繆銀濤海湧  
連鰲背玉壘花開遍壠頭瑞應揔由和氣集寒  
威慚向早春收翻思物理無恒迹莫為兒孫作

馬牛

感懷

寤寐如聞磬  
知音杯捲歆  
飲每停斟  
獨憐阿母  
遊仙日  
誰似丁蘭  
刻木心  
月夜忍聞  
烏反哺  
春林愁見  
笋成陰  
松揪杳杳  
飛雲外  
幾度凭欄  
淚滿巾

新正寫懷

立春三日  
即新正  
暮景無妨  
歲序更千  
載斯文  
忻際遇  
萬方黎庶  
樂昇平  
仁涌凡  
彙嘉禾  
殖德

協重華鳳鳥鳴天道摠由人事感端期競惕保  
盈成

送劉烈御史陞官之大理

憶昔蜚英入翰林旋看衣繡更腰金觀風已著  
庶能譽典郡宜存愷悌心京國衣冠遙在念滇  
陽山水復登臨斯文相慕增光彩惠政傳聞即

好音

送魏尚書致仕還鄉

自昔聲華冠士林荐司邦禁沐恩深獨憐優

詔歸田日不盡平生報國心  
禁闕鼓鐘來曉夢故園桑柘藹春陰  
聖明圖治人求舊莫為  
參令惜俸金

挽李夫人為源作

閨門懿範表鄉閭  
榮貴終身不自居  
燕服日親蠶織事  
篝燈夜課子孫書  
朱冠雲佩推恩久  
瑜珥瑤環積慶餘  
選部賢郎多孝德  
筭與清夢禁鐘初

挽張都事母



栢舟有詠至今存此道悠悠孰與倫一脈光榮  
遺腹子百年清苦未亡人秋風靈旆金臺外夕  
日佳城楚水濱為羨賢郎鄉里好聞歌薤露歆  
沾巾

送簡學士致仕還鄉

叙別金臺酒一尊斯文交誼若為親中州自昔  
稱多士遺老予今有幾人蓮炬光分馳道脫  
宮袍香透講筵春謾云得遂田園樂知足還能  
表縉紳

太學新成幸得瞻覽有作

廣殿崇堂駕絳虹臣工和會協宸衷國家製作  
千年盛聖哲儀容萬古同雲漢有詩歌壽考辟  
雍不日奏成功行看聖化躬行至四海從容  
禮樂中

金陵蔣主忠前太醫院使恭靖公之子今  
院判公之弟也予將交游于父兄之間而  
主忠賢子弟也茲來省兄邂逅南還賦此  
以識別云

父子交游四十年，多君兄弟總稱賢。  
書香綿遠由家訓，醫道分明有世傳。  
春草池塘頻入夢，客窓風雨每同眠。  
老懷方恨相逢晚，厭聽離筵奏管絃。

溥聞湖湘去年豐熟，而鄉郡尤勝，欣躍之餘，賦近體詩一章奉賀太守劉侯，意備於詩也。

湖藩千里接巴川，共說荊州太守賢。  
勸課以時無橫政，憂民何幸有豐年。  
人家禾黍皆成廩，水

澤魚鰕不論錢日轉槐陰群吏散鳴琴看鵲思  
悠然

觀獵

六轡飛龍出禁林春園千里氣蕭森山川倏忽  
風雲合草木微茫劍戟深萬物以時資茂育三  
驅不誠失前禽車攻吉日存周雅王道誰云有  
古今

送王宗倫南還省親

黃金臺下送行人千里関山駐望頻喬木清陰

連漢廣故家遺澤有儒紳讀書坐對橋門月鼓  
篋行歌壁水春明到重闌拜嘉慶綠槐庭院綠  
衣新

寄大尹陳文璧

鹿鳴宴樂會瑤京珎重何如別後情枳棘暫時  
驚鳳集繡林千載德星明春風到處華棠樹秋  
稅誰家夜犬聲台鼎古來由百里萊公名望屬  
蒼生

送石彥誠之官徐聞

萬里雷陽傍海濱  
秦淮江上別懷新  
陽城豈解催科政  
王吉羞稱獻納臣  
薜荔風清山過雨  
浮香花落鳥啼春  
玉堂後夜看秋月  
應想天涯有故人

題樂節婦卷為樂參議題

千年漢史紀曹娥  
能躅高風世幾何  
向使良人隨海水  
定將枯骨共風波  
孤燈夜雨紅顏老  
一鏡秋霜白髮多  
遙想親人知感化  
至今猶自報鄉儺

送曾子祭侍講扈駕北行

雨過龍河曙色新  
銀鞍光拂柳條春  
九重御氣開黃道  
午夜文星近北辰  
禹蹟經行承廟問  
康衢歌詠在敷陳  
長安陌上鐘聲曉  
還憶聯鑣謁紫宸

送鄒侍講仲熙扈駕北行脩實錄

紫蓋黃旂出九重  
綠楊馳道馬如龍  
中原形勝經行舊  
太史文章製作雄  
伏外金蓮輝夜月  
花邊玉珮度春風  
封章多是陳民俗  
不羨相如一

賦工

寄河南魚憲傳仲禮

繡林清氣接扶輿，箕尾流輝照太虛。  
千里中原頻攬轡，四時甘雨摠隨車。  
天心柱石瞻嵩岳，王化網維考洛書。  
老我羈愁勞軫念，欲將孤思託瓊琚。

慈壽堂為江西石憲使賦

南陔一曲託鳴絃，眼底誰知石母賢。  
鳳誥龍章承錫命，紅顏鵲髮慶長年。  
碧桃香汎宜春雨。



慈竹清漪戲綵筵  
憲府令郎時問候  
平反有對更怡然

兩峰白雲為杭州鄭主事賦

兩峰竚立亘千古  
白雲無心時往還  
光潑天目萬松曉  
影落西湖秋水寒  
親舍微茫卷舒外  
遊子徘徊方寸間  
却憶并州賢從事  
至今景仰如高山

東臯草堂為高劉湯指揮賦

一簾波影湛湖天  
千里江淮在眼前  
尊俎從容

談武略琴書閑暇課營田綠楊陰裡銀鞍馬紅  
藕花中畫漿船幸際太平千載詠不須戰績  
勒燕然

賦九峰歸趣送禮部王濤郎中

粉署仙郎未白頭九重恩詔許歸休  
禁城鐘鼓三更夢故國江山一酒甌  
雨後紫鱗魚浦晚霜餘香稻大田秋  
人生何幸昇平日况是桑榆景尚優

寫懷

憂民徃夕望三台承乏寧忘寃夙懷暑雨祈寒  
恒有怨巨川舟楫浩無涯漢唐未覩雍熙治顏  
孟空遺命世才聖明有志齊堯舜祗恐英賢  
在草萊

祝張御史父

簪纓無夢到南柯里巷驚聞大耋歌三徑竹松  
閑夕照九原春雨泣春羅烏臺有子家聲振  
屬語推恩世澤多誰謂孟棺方事定較君存  
歿竟如何

送王中書安慶太守

氣誼相從歲月深，離亭一曲有餘音。  
朝廷最重循良選，牧守誰存父母心。  
春早勸農頻出郭，公餘招鶴獨携琴。  
行看政績龔黃上，始信奇才在翰林。

送吏部黃尚書復任

眼底誰如黃叔度，斯人德量獨汪洋。  
別來偏覺交情好，老去欣逢化日長。  
四海人才歸藻鑑，萬方都會託賢良。  
莫言未遂懸車志，停看黃花晚。

更香

送學士李時勉

西平慶澤世綿綿  
闕下相逢四十年  
揔羨高懷清似水  
獨憐古道直如絃  
金蓮夜月歸瓊署  
玉佩春風下講筵  
莫謂桑榆宜晚景  
朝家馮翼在仁賢

送凌副使還鄉祭祖

恩誥從容許暫歸  
都門尊酒思依依  
征鴻杳杳隨驄馬  
雨雪霏霏點繡衣  
故國江山遙在目  
九

原松竹。搃生輝。吏民佇望。回車早。莫待春風。荔  
子肥。

送徐侍郎

多君自少著。賢名簡在。先朝拜亞卿。職業脩  
和邦政。肅皇威宣布。塞塵清。由來儒術存經  
濟。何幸人生際太平。嗟我相知重。相見孤懷遠。  
逐鴈南征。

挽鄧孟昇

武陵山水勝蓬瀛。萬樹桃花一磧清。喬木人家

多世澤當時耆舊有賢名  
西風落日泉臺晚宿  
草寒烟隴樹平今幸聞孫官禁近芳譽應得繼  
家聲

奉和少師達安先生陪祀南郊韻

春陽皞皞物熙熙郊祀躬行薦獻時  
神馭分明來赫赫聖心祇敬益遲遲  
風微香藹浮金鼎月正祥光燭羽旂  
回望九重終咫尺雲霞五彩共霏微

明堂列位在中階大雅遺風諫有萊  
領袖斯文

登八座燮和元氣正三台端嚴共擬周崇鼎高  
朗還如魯觀臺一曲陽春歌盛事賡酬愧我乏  
長才

榮壽堂為江西吳布政賦

昆陵山水毓賢良幸際明時遂顯揚五彩龍  
章褒令德雙親鶴髮拜恩光紫微花底香風  
細綠酒筵中化日長宜爾旬宣敷聖澤晉令  
民庶樂時康

挽夏中書父伯亮甫



平生故舊揔稱賢  
託跡江湖亦有年  
對酒高歌吳市月  
乘潮長泛米家船  
風霜共惜梧桐老  
霄漢重看彩鳳騫  
紫誥鸞箋昭令德  
虹光夜燭白雲阡

挽龐郎中

館閣交游揔俊流  
多君獨與古人儔  
墨池清興詩盈卷  
粉署閑餘酒滿甌  
方慶賢郎結新綬  
却憐夜壑竟移舟  
人生所貴名千古  
百歲誰能到白頭

過儀真

維陽風雨曉開晴南去金陵半日程  
萬里波光隨海去半蓬山色逐船行  
垂楊夾道人家集芳草連蹊水鳥鳴  
獨倚桅檣望鄉國塞鴻飛處暮雲橫

題徐太常出使龍虎山張宇初所畫圖

雲漢仙槎第一程人間何處有蓬瀛  
山橫龍虎開真境地擁烟霞接太清  
雲竇泉香丹井近松風鶴背羽衣輕  
畫圖彷彿神遊日西壁悠悠萬

古情

輓倭僧立雪庭師

布衲倏然萬里遊平生心事寄浮漚東風一掃  
滄溟曉夜月孤猿雪嶺殊出定無塵留虎跡談  
經有客起龍湫却來說盡三生話天際閒雲逐  
水流

寄王伯宣

不見三公已淡旬鑪薰餘燼榻生塵鄉邦豐儉  
何從問今古謀猷孰與倫陋巷顏垣殊雨後飛

雲過鴈楚江濱行看勿藥同尊酒盡洗離懷越更新

題蕭連帥慈節堂

千鈞一髮慨當時半世憂勤兩鬢絲祿養從容  
娛暮景家聲濟美有孤兒雕戈盡戟開藩府翠  
翟珠冠介壽期天目山高湖水濶高堂華扁照  
晴曦

送蕭儀分教清流

泰和南去是閩閩下瞰清流咫尺間典教何如

鄉邑近宦遊誰似教官閑  
芹香泮水三春雨雲散  
靈峰萬壘山共喜斯文逢盛世  
蘇湖遺蹟可追攀

感懷

雙髻那堪歲月侵  
此生何幸有知音  
懷人但覺容顏老  
撫已徒慚鄙吝深  
每對緇衣歌白紵  
誰能皓首散黃金  
斯文道義相推重  
暮景還宜惜寸陰

讀周書有感

帝王致治與天通千載經綸一緒同文武謨謀  
循古道成康繼述有全功六卿分職公孤後九  
牧旬宣禮教中却憶當時周召輩載歌天寶慶  
時雍

正統七年秋八月上命有司營建翰林  
院乃卜地於長安門之東玉河橋之西鳩  
工掄材以築以構不日而成地位清嚴規  
制宏敞視諸司尤為堅緻時則有中貴陳  
公督工而能祇體聖心克勤乃事人不

告勞厥功易集落成之日翰林諸公爰賦  
詩歌用彰盛事篇什既成故特書之

都邑群工和會日朝地三殿慶盛時經營翰苑  
勞宸慮珍重斯文職論思畫棟雲飛翔鳳閣  
玉河水出濯龍池精勤喜有賢中貴冰雪情懷  
檜栢姿

挽檢討劉宗平

閣下聯簪廿載前死生契濶慨當年章江經術  
稱先世史館詞華有舊編世路每經風浪險人

生何幸子孫賢  
隴頭枯草幾回綠  
載詠悲歌思  
淒然

和陳祭酒元日見懷

百辟趨朝曙色開  
奎光耿耿接三台  
老成久處  
甄陶地  
家國應多俊  
又才共仰九重  
願鴈曆吹  
逢萬國同春  
臺斯文華際  
千年運  
好詠南山獻  
壽盃

送劉太守

九重宵旰念黎元  
體養深資守長賢  
吏治廉平



超漢世生茂康阜樂堯年爰延有志登三事劉  
寵何心受一錢五馬雙旌垂柳道郡人迎候摠  
懽然

鄉郡太守大庾劉公報政來京師出前所  
寄豐年詩書之喜太平之政久而益善復  
用前韻以贈別云

送胡教授致仕

青春簪筆侍彤墀每念慈闈白髮垂懇乞冷  
官供子職喜從鄉郡擁皋比十年鉛槧雙蓬鬢

萬里江湖百詠詩  
擢滋河霜歸柳外  
離筵絃管思悠然

吉水胡海澄由進士任中書舍人乞鄉郡教  
官養母親終改鳳陽教授茲以年老致仕賦  
以贈之

送南京尚寶寺司丞宋仕皋

老年送客思綢繆  
况是因君憶舊遊  
尊府溫醇超行輩  
翁文彩冠時流  
科名早顯應誰及  
禮教相承尚自脩  
更喜官居清禁地  
擬看力學紹

箕裘

贈余大守之官齊安

江上層城接武昌城  
南江水浩茫居民近日  
無爭訟太守由來得俊良  
喬木人家多富庶崇  
岡土壤足耕桑  
久聞藩臬多公論  
擬見龔黃政績彰

郊祀慶成

大祀千年屬聖躬  
今春元夕御齋宮  
禮嚴三獻層臺表福被  
群生一念中  
玉燭調和時應候

香雲紛郁夜無風神靈昭格人心悅四海謳歌  
樂歲豐

會試賡子祭韻

禮闈春晝鵲晴暉嘉會從容古亦稀海宇人才  
歌撼撲天孫雲錦製裳衣微垣午夜奎星聚阿  
閭千年彩鳳飛珎重斯文多藻鑑獨慚樗櫟藉  
餘輝

元旦早朝

九重佳氣接銀潢鐘鼓聲嚴曉漏長日表

天顏端在御  
壇舉弁服  
悉來王萬年  
扶上群烟  
裏五色雲  
中彩鳳翔  
致治保邦由  
儆戒有虞  
千載詠明良

遣祭先師孔子

牲幣初陳  
月正中  
神光赫赫  
儼來同  
斯文氣運  
千年盛  
聖德淵微  
一念通  
踈雨泥塵  
香滿路  
微雲解馭  
斗橫空  
忝予恭薦  
承明命  
謏薄何  
能效寸衷

陪觀正陽門呈諸先生二首

列聖經營式廓同幸逢當宁底成功 九天日  
月層樓表 萬國江山一望中豐水豈徒懷禹  
績冀都今喜復堯封清遊况值開新霽柳拂金  
河跨玉虹

登樓直上最高層下瞰中原萬里平水出西湖  
環紫禁山連東岳接瑤京累朝都邑于今盛  
先帝經營此日成自古臣勞君道遠免置千載  
詠千城

慈壽堂為江編修賦

百年和氣霽春闈又喜賢郎天上歸鶴髮紅顏  
膺錫命珠冠霞帔絢晴輝紫金花底朋尊酒慈  
竹庭前五色衣況值太平千載運人間此樂古  
今稀

送祠祭林主事

細雨涼風浥曉塵西風一棹潞河津錦袍烏帽  
還鄉客綠水青山滿眼春隆古詩書關世運  
聖明禮樂屬儒紳知君戀闕心尤切萬里雲  
霄北望頻

送許脩謨彬歸省

宦途日日念庭闈  
滌水秋風一棹歸  
祿養百年誰得似  
人生具慶古來稀  
墳麓協奏陽春曲  
蘭蕙香分戲綵衣  
况是九重頒寵命  
龍章千載絢光輝

退食謾賦錄呈少師廬陵楊公列位先生  
君臣休戚實相同  
感格天人一壑中  
聖主憂民深引咎  
諸公體國在輸忠  
唐虞尚紀明良詠  
周典還言燮理功  
愧我庸愚叨顯擢  
每因退



食思忡忡

賡重陽賞菊詩答養正黃郎中

秋閣南邊尋丈地  
年來種菊向朝陽  
枝頭露滴瑤階潤  
天上風來禁苑香  
接席每憐人似玉  
看花獨愧髻如霜  
人生百歲等閒過  
好盡樽前酒一觴

好盡尊前酒一觴  
太平時節日舒長  
紫宸

朝退歸青瑣  
黃菊花開對玉堂  
草木無心昭化育  
黔黎有幸戴元良  
世云晚節尤難保  
珍重斯

文尚自強

贈王同知舊為無為守

一官到處堪施政兩郡相忘任去留京口喜迎  
新別駕無為却憶舊知州勸農曉出丹陽廓戀  
闕時登望海樓國史特書循吏傳聲名宜與  
古人儔

送楊文玉鉉

廿載濡毫侍鳳池九重優詔許南歸賜金可  
構藏書屋宮錦堪栽禦歲衣閩海春雲時在望

秦淮烁月舊相依由來仁者應多壽勿謂人生  
七十稀

贈掌內黃宋知州

內黃舊丞宋孝友惠政能聲孰與俱士民咸稱  
古循吏祿秩超升郡大夫鳴琴花廳清晝永稅  
駕桑田靈雨餘聖明宵旰憂民瘼安得守令  
皆君如

感興

良農必藉耕鋤器善御寧知說遇禽四海平和

君相事百年兢惕聖賢心詩書教化參天地  
禮樂綱維冠古今謏薄幸逢明盛世間因衰  
老昧官箴

駕出南省駐雪霽

鑾輿出驚雪開晴天意昭昭春聖明日下五  
雲呈瑞彩臘前三白兆燠成祠官先導爐烟繞  
禁旅齊驅輦道清白髮從臣陪盛禮載歌天保  
答昇平

正統五年元旦朝賀喜雪

皇明大統屬元良瑞應時臻泰運昌宇宙清華  
開獻歲乾坤和氣協清陽豐年有兆人情樂邊  
境無塵海宇康文武衣冠齊拜舞紫霞高捧萬  
年觴

送鍾脩撰省母

冠珮匆匆別翰林驪歌一曲有餘音百年嘉慶  
雙鸞誥寸草春暉萬里心慈竹堂前人憶好紫  
金花底酒頻斟宦遊得遂歸寧志珍重斯文  
寵遇深

周中書輓詩

舉世誰云別有仙，斯文美爾亦超然。  
詩書教子登青選，簪笏承恩及暮年。  
林屋夜飛丹竈火，楓橋晝繫白鷗船。  
重勞太史書旰表，千載文光燭九泉。

封主事王君輓詩

聞說槐陰綠滿庭，世臣餘澤有賢名。  
林泉蕭散平生趣，冠珥從容暮景榮。  
一夕西風凋碧樹，九原白晝閤佳城。  
賢郎孤棹滄江上，落日歸鴻萬

里情

永感堂為江西張僉憲賦

一讀南陔萬感生  
錦衣肉食為誰榮  
江流不盡終天恨  
鳥鳥難忘返哺情  
百歲像容頻入夢  
四時尊俎每思成  
人生孝道無窮極  
獨貴怡親有令名

登紫微閣朝廷所建

出躡層梯近紫霄  
俯聽仙樂奏雲璈  
喜逢休暇堪怡思  
得造高明豈憚勞  
恒嶽諸峰開卷盡

海天萬里動煇毫  
聖仁嘉興民同樂  
何用吹笙醉碧桃

羅先王輓詩

太平遺老享高年  
況是烏臺有子賢  
恩命屢頒褒世德  
書香一派接家傳  
槐柯夢斷人千古  
薤露歌殘月滿天  
聞說九原埋玉處  
重勞太史表新阡

九月望日出崇文門

欲趁公餘一暢神  
相邀良伴出南門  
高樓酒旆



城都道夕照禪林五里屯雨後青山雲盡歛霜  
餘紅樹葉尤存聯鑣更有河門老共倒黃花酒  
一樽

喜晴

暑雨連朝喜放晴今朝禾稼仰成萬方歌咏  
無愁嘆一念憂勤荷聖明澤被充封千里潤  
河漢禹蹟百川平緬懷治化隆興皞禮儀都從  
富足生

輓韓處士為其子御史陽賦

忠獻勲名世共傳嗟君何事老林泉萬種不憚  
平生志百歲爭如有子賢洛社衣冠懷杖屨山  
陰松竹暗風烟南州高士今千古誰致生芻糈  
墓前

送黃孟堅致仕

多君氣誼古人同翰苑烏臺偉望中獨向尊前  
彈別調欲從林下挹清風為官何幸先歸老明  
道由來不計功水蒲漲河歸棹遠柯亭殊月海  
天東

具慶堂為欽天監劉夏官賦

堂上雙親鶴髮垂  
堂前兄弟玉連枝  
天倫同樂昇平世  
祿養尤宜壽考時  
綠酒滿斟春漱艷  
綵衣載舞日舒遲  
傳家況有先天學  
每紀禎祥奏鳳墀

出通州

畫鷁朝飛漲水潯  
回瞻北闕彩雲深  
半生宦業歸霜鬢  
萬里安流在寸心  
過客每分良醞酒  
行囊寧有夜遺金  
先塋遙隔瀟湘水  
夢裡如聞

罄效音

輓黃玉鉉先生

萬古詩書耿不磨  
文江千載溢餘波  
龍門潦倒匡時策  
梁木逍遙曳杖歌  
春兩松楸閑宿草  
煠風猶鶴泣雲蘿  
哀辭不盡生平事  
誰採芄蘭吊汨羅

具司業母宜人輓詩

煠風歸旆鳳城闈  
薤露歌殘淚滿巾  
六館有師由斷織  
九原無愧見古人  
青蒿白馬南州客  
寒

食清明故國春 聖代推恩昭令德迴鸞

紫誥墨花新

送楊長史還鄉祭祖

閑西世澤共綿綿 闕下相逢又十年  
漢代文章梁傳最 楚廷賓客穆生賢  
半生行李惟官誥 百世榮盛有祭田  
悵別獨憐池上鴈 夜深飛夢白雲邊

蕭布政乃父受誥

南極光華照太虛 西昌文物耀亨衢  
一經親授

賢方伯八袞 恩封上大夫堂下綵衣明畫錦  
花陰綠酒泛春臺 太平盛事傳千古會寫香  
山九老圖

送柴中書省親

遙瞻親舍暮天涯榮捧鸞章出瑣闥  
上斷絲成畫錦客邊餘線惜春暉  
淮河夜月隨潮起灤水秋帆逐鴈飛  
嗟我又懷歸省志看君行處欲沾衣

永嘉黃少保慶壽

綵鳳高騫已有年推恩重喜到林泉同官保  
傳群卿表洛社衣冠百世賢華蓋雲峰聯北  
斗玉衡光綵照南天槐陰清晝薰風早壽酒  
香浮玳瑁筵

送鬱林劉太守赴任

廿年聯萼珥明光邂逅俄驚髮鬢蒼錦綬金章  
新太守皇華玉節舊仙郎棠陰勸課采春雨  
酒後看山對夕陽太史特書循吏傳斯文千載  
有餘光

隆壽堂為鄭郎中賦

榮養從容鬢未霜  
舞衣霞綵映龍章  
鴈毛春雨思波濶  
菊圃秋風晚節香  
闕下衣冠時載酒  
天南星斗夜增光  
簪纓還有林泉樂  
不獨香山引興長

送黃尚書省墓

千里松楸入夢思  
春風優詔許歸時  
冊書紫詰三朝老  
紅日青霄兩鬢絲  
道出東蒙瞻闕里  
雲開瀛海見朝曦  
夔龍事業唐虞盛  
莫



向雲亭訪故碑

送獨孤郎中祭祖

先朝進士最君賢  
郎署從容亦有年  
龍章雙飛天闕誥  
詩書一束漲河船  
江鄉黍稷高爍後  
烟隴松楸落照邊  
道出秦淮瞻上國  
鍾山蒼翠接青天

送康侍讀還鄉祭祖

半生皋席講唐虞  
彤邸年來喜曳裾  
夢裡松楸新歲月  
客邊行李舊詩書  
薊門歸鴈乘春早  
灤

水流漸放棹初獨念阿戎留栢府離章總是惜  
居諸

謁長陵

鼎湖春水泣魚龍 先帝光華在冀中  
千古山川藏玉舄 四時風雨護玄宮  
胡塵汙掃天威遠 海宇清寧聖化同  
宗社萬年隆泰運 此生何幸慶愚衷

謁獻陵

十載從容侍講筵 玉京無路可攀緣  
唐虞禮

典存明詔舜禹恭儉不盡年 碧殿袞衣閑白  
晝蒼梧雲氣接青天清明風雨昌平道有淚如  
何徹九泉

鄉友刑科給事李公原縉蚤孤鞠成於母  
夫人茲推恩於親得告歸省特賦詩以贈  
之

鶴髮慈親倚夕暉瑣闌仙客喜南歸斷絲已織  
雙鸞錦餘線尤存五色衣霜落洞庭金橘熟  
高湘水紫鱗肥難兄難弟同稱壽此樂人間古

亦稀

寄黃貴成美秀才

斯文相愛在平生  
珍重何如別後情  
百鍊精金成寶劍  
九苞鳴鳳叶韶英  
伏生豈謂傳經晚  
毛義還期捧檄榮  
幾度禁鍾驚曉夢  
恍疑西館讀書聲

聽烏軒

風木蕭蕭歲月深  
那堪近哺有餘音  
幾回來往飛鳴意  
萬種劬勞感慨心  
萱砌露華含暮雨  
椿

庭霜葉逼秋陰援琴欲歌南陔操清淚潸潸已  
滿襟

送樊侍郎

東魯衣冠世不群少年聞望重儒紳四朝恩  
遇登三品一念忠誠到七旬京國夢回山月  
曉桑榆雨足故園春舊遊喜有孫卿老好似耆  
英社裏人

輓進士父

金鑾獻賦慨當年木鐸聲中別有天白髮一簪

歸舊隱青山千古掩重泉  
共傳書澤流芳遠何  
幸人生有子賢嗟我相聞未相識  
欲歌哀些思  
悽然

慶許編修壽七十

壽酒香浮白玉甌  
綵衣高映碧梧椽  
東家毓秀  
連喬梓南極騰光照斗牛  
天上龍章新寵渥  
洛中人物舊風流  
百年况遇昇平日  
海屋誰論第  
幾籌

輓蘇檢討伯厚先生

十年簪筆下彤闌。一夕文星下紫微。潁水詞華  
遺稿在山陰。風度故人稀。花邊玉佩趨朝退  
月下金蓮帶酒歸。薤露歌殘丹旆遠。武夷山水  
黯餘暉。

肇慶照磨羅儀範少傅楊公之舊館賓也  
茲以老得告還鄉。予惜其別。賦此以贈之。  
一曲驪駒對酒歌。知君無柰別君何。世情盡說  
黃金好。仕路誰憐白髮多。崩海瘴烟成夢境。江  
湖春雨總恩波。關西夫子賢東道。擬駕安車訪

薛蘿

寫懷呈行簡汝弼諸舊友

自愧疎庸雪滿顙朝回兀坐思何如老來幸有  
諸孫樂久別寧忘故舊疎杯酌不勝京國酒  
音書每憶洞庭魚繡林松竹長蒼翠杖屨何時  
問起居

重過武昌

城郭岩峩俯碧岑三山在望九疑深白雲黃鵠  
空寥廓漢水江流自古今赤壁東流行客棹南



樓夜月古人心桂花載酒誇年少回首驚看雪  
滿簪

寄黃成美教諭

多君力學早成名別後那堪百感生鄉邑久停  
春社飲客憲猶記夜書聲誓將古道酬知己屢  
有嘉音慰老情煩語阿戎宜自立風中燈燭幾  
時明

偶成示二兒

拂拂西風吹繡鞍送君歸去寸心寬菜根有味

休嫌淡茅屋無書可借觀朝夕肯其勤養母春  
殊租稅早輸官歸家若問居官事做到雙台徹  
底寒

別鄉里斯文故舊

宦况悠悠雪滿顛別懷不盡酒尊前洛中士友  
多遺老東魯諸生摠少年報國每慚才智淺  
承家猶冀子孫賢蘭舟夜出湘江口北望  
神京咫尺天

楊文定公詩集卷之七

七言絕句

途中有感宣德己酉四丁憂題

人生骨肉最相親一別俄驚二十春  
風雨滿蓬歸去日江頭愁見送行人

感懷

每讀南陔嘆遠遊百年事業水東流  
早知喜懼延恩愛不羨人間萬戶侯

題峽石行舟頭

卽家巨舶屹如山萬斛珠璣百尺灘好向中流  
齊着力終教退步上時難

讀漢武紀

恭儉無為愧孝文保全鴻業在知人當時禁閹  
能留黥千古同稱社稷臣

題觀奕圖

聞說桃源與世通柯山歸路有遺踪相逢總是  
魚樵者誰學留侯訪赤松

題十八學士圖

發龍一去幾千年重見弘文聖列僊斗米三錢  
為易事貞觀政績竟誰傳

題渭陽圖

百年骨肉最情親見舅渾如見母存誰謂晉人  
薄名教羊曇不忍出西門

題龍虎圖二首

乘時一躍到天津澤沛江洋遍八垠神物從來  
由治化但歌帝力詠皇仁

雲林深處日舒長一嘯風生草木香狡兔天狐

昏歛跡獨看葵藿向朝陽

竹枝歌廣楊少傳韻二首

後頭車馬已駸駸  
前面行人早寄音  
百步相隨卽相應  
誰是悠悠道路心

人家門戶不曾關  
車下征徒夜卧安  
但願官家省徭役  
終歲不知錢與寒

送姚御史巡按四川四首

霜落金臺柳尚青  
星輶又逐鴈南征  
知君素負澄清志  
莫謂離觴動別情

歛却風霜滿面春  
畫船撾鼓到江濱  
繡衣驄馬人爭羨  
况是升堂拜二親

繡林春氣薄雲空  
流水高山繞泮宮  
好問後來遊學者  
精修還與舊時同

聖主勤民重任賢  
又分憲節入巴川  
疲民共仰隨車雨  
誰謂蘇章有二天

題竹贈黃太守

岷山秀氣拂雲空  
千里清風老幹中  
春雨勸農歸去晚  
一尊好與此君同

題松臯送別圖

松臯酌酒唱離歌  
宦况何如別思多  
一棹春風千里月  
梅花清夢隔煙波

題竹贈太守羅以禮

會稽太守古循吏  
五馬行春惠澤多  
可羨湘南一枝雨  
渭川千畝竟何如

題竹贈廣東劉布政

聞說官居竹雨叢  
人稱清節與君同  
只今崩海冬飛雪  
總謂藩維體



聖表

題竹贈廣東楊撫使

清標老幹拂雲端  
烏府風霜六月寒  
見說嶺南冬有雪  
此君長日報平安

題普陀觀音像

蒼龍翠鳳護旃檀  
寶月金蓮杳靄間  
一滴綠楊枝上露  
塵寰總是普陀山

送豐城訓導齊士馨

每憶君家令祖賢  
談經講道樂餘年  
於今猶有

青氈在喜見雲孫得正傳

奉寄宗載

每羨汪洋千畝陂獨寧老大未知非懷人幾度  
看秋月又見春空一鴈飛

題輅編修清流讀書莊十首

溪上人家溪後山東華南極聳層巒舊栽花木  
先塋外回首清流更好看

舊時書舍白雲隈琴劍相從玉署歸日轉椿陰  
春晝永龍章光彩映班衣

南望鄉山衣錦後回瞻北

闕思悠然松清夢覺芸窗曉彷彿鍾聲到耳邊  
清流水泛落花紅布谷飛鳴曉雨中因憶吾農  
興稼事幾回展卷讀幽風

綠槐飛翠上窓紗讀罷遺經又啜茶坐對南薰  
彈古調仰懷

帝德協重華

玉露涼生碧樹枝一檠燈火夜眠遲朝來射集  
高墉上始信良弓用有時

擁膝高歌白雪吟  
坐看林壑重陰同  
胞恐有饑寒者  
肉食誰存軫念心

清流山水毓才良  
玉署交遊近十霜  
明日相望千里外  
暮雲春樹共微茫

斫竹編茅葺舊居  
閉門重讀舊時書  
要知儒道存經史  
摘句尋常術亦疎

斯文一脉有淵源  
古道分明在簡編  
愧我讀書無實見  
後來事業仰仁賢

題竹贈龔編脩

白雲彌望海天隅翠竹成陰繞故居衣錦升堂  
重拜慶萬鍾千駟竟何如

玉署仙郎得意歸故園山水總生輝金尊滿酌  
黃封酒慈竹光涵五色衣

題竹贈江編脩

白雲彌望思懸懸玉署儼郎衣錦還慈竹蒼蒼  
如舊日黃封滿酌慶長年

萬里家山一擢旋滿蓬風月過湘川知君利有  
懷人意對酒高歌葉竹篇

題竹贈檢討還鄉侍親

虎觀詞林足勝遊  
雙親萬里思悠悠  
喜承恩詔南歸日  
不憚人間萬戶侯  
秋水澄清照錦袍  
僊舟重泛溯江濤  
柯亭秀氣彌清望  
鳳管行看協九韶

題竹贈邢侍講還無為

昔年虎榜占魁名  
廿載詞林重老成  
八袞慈親重拜慶  
誰云畫錦獨光榮

紫芝山色曉蒼蒼  
錦繡溪流遠畫堂  
慈竹庭前

斟壽酒山中化日正舒長

贈張仲宜御史還公安

慈親萬里七旬過遊子偏驚歲月多  
衣繡升堂稱壽酒湘江春雨憶恩波

題竹贈林狀元歸閩

早膺魁選入詞林簪綬相親歲月深  
試整瑤琴彈別調高山流水有知音

丹山杳杳海天長孤鳳翩翩返故鄉  
方擬簫韶諧九奏行看綵翮集朝陽

題竹贈李檢討

老親朝暮倚閭門衣錦南還侍起居  
慈竹滿庭清畫永餘閒好理舊詩書

大江之西多秀氣翰林文物冠當時  
安成學士行相見好問平生慰所思

題竹贈蕭郎中

翰苑容臺二十秋太平歲月足優游  
那堪兩鬢星霜早豈為尋鱸思故丘

吳區烟雨曉茫茫南望湘江是故鄉  
喬木已隨



霜雪老春風一幹獨蒼蒼

贈陳編修

藍袍負笈早朝

天虎榜人才玉署僊萬里重關拜家慶平安勿  
惜好音傳

送陸御史還韶興

錦袍蘭棹潞河陽南望柯亭是故鄉爭似上林  
霜雪幹春風擬看鳳回翔

題竹贈沈民望少卿

畫錦煌煌汴水東  
故園桑梓總春風  
親朋莫訝霜盈鬢  
冰雪情懷舊日同

題竹為高安陳貞明作

西江秀氣古筠陽  
林下森森萬玉長  
邂逅更看奇絕處  
霜臺古柏共蒼蒼

題梅贈司曆

月到望時光正滿  
梅因陽復始開花  
乾坤消息誰能識  
水部雲孫第一家

昔居翰苑種梅花  
一別于今歲已賒  
月落琴尊

喜相對却憐叔度是東家

題枯木竹石

古木蒼巖倚碧柯  
披圖高詠紫芝歌  
平泉花石皆荒落  
爭似商山得趣多

題竹贈吾叔敏

兗州太守三衢彥  
報政多聞惠澤深  
潞水冬初又相別  
冰霜好照歲寒心

對酒長歌菰竹詩  
芸窓磨琢記當時  
行看黃霸重臨日  
彩鳳高樓第一枝

題竹贈孫隆善畫梅

白髮郎官新太守離歌一曲為君彈  
慙慙更贈冰霜節好與梅花作伴看

新安流水遶山城萬仞青山列畫屏  
五馬行春應有暇琴尊時訪歲寒亭

題竹贈瑞昌令劉仁宅

湘南挺挺青琅玕清陰遍覆廬山陽  
桑麻蔽野鷄犬靜行看彩鳳來翱翔

題畫

千仞飛泉下碧岑一雙幽鳥嘒清音  
山林草木皆光潤信是乾坤雨露深

題梅送徐銑事

榮捧除書贊大藩壯遊寧惜路漫漫  
嶺南近歲冬飛雪官舍梅花更好看

題竹贈上高令嚴仲威

百里絃歌藹頌聲回車深慰吏民情  
河陽開遍花千樹爭似筠陽一幹清

題竹贈楊壽夫修撰

白髮故人千里外  
春風秋月共襟期  
殷勤欲致平安貌  
貌得湘皋第一枝

題竹贈金溪李廣文

春滿湘皋雨露深  
此君別後每關心  
何常養就凌雲志  
製作蕭韶協鳳音

題竹贈錢太守

自昔齊安記上州  
錢侯風節古人儔  
只今此屋皆絃誦  
陶瓦人家勝竹樓

贈楊憲使文昭致仕十首

湖海風霜四十年

九重恩詔許歸田  
扁舟後夜維揚道  
戀

關心隨海月懸

繡衣霜簡照清秋  
嶺海頻年瘴霧收  
去後更詢  
新憲使  
網維還似舊時不

故家譜牒自閑西  
清白相承世共知  
潞水孤舟  
歸去日  
行囊總是故人詩

歸航明日楚江東  
故舊相逢一咲中  
莫訝別來  
霜鬢改  
此心還與舊時同

早入烏臺別有名又從浙水振英聲謾云白髮  
重承詔嶺海猶聞憲紀清

崇陽風景早逢春桃李花開滿四鄰尊酒從容  
追潞社衣冠總是太平人

槐陰滴翠滿庭除芸閣生涼暑雨餘啼鳥數聲  
清晝永北窓睡起課兒書

抽繻霜餘透夕暉豐年况是稻梁肥金尊滿泛  
黃花酒却笑陶潛望白衣

繞屋寒梅盡著花喬林雪後玉槎牙里胥不至



重門掩信是山中宰相家

同鄉何幸更同宗接武同朝氣誼同明日得同  
歸老願一尊同醉魯溪東

題畫寄黃尚書

古木疎篁歷歲寒人生最樂是家山每懷叔度  
雙蓬髯聖意惓惓未許還

題竹贈戴瑞主事

閣下相從子最良榮除又喜近家鄉潘輿正好  
迎賢毋慈竹堂前獻壽觴

贈胡克寧詩有序

毘陵胡克寧禮部尚書公母弟也素敦孝友  
去年冬自鄉里來省兄重念先壠不數月告  
歸予尚書公同年又同官以道義相愛厚克  
寧之歸也不能忘情為賦近體七言詩十五  
章贈之首章至第三章叙兄弟相聚之樂第  
四章第五章叙其家世及兄弟之賢第六章  
述其歸趣第七章叙別景第八章述鄉里慶  
其歸第九章至十二章述其感時思兄弟之

念第十三章勉其孝友第十四章致別意第  
十五章述其感 朝廷恩意則至矣惜其辭  
之弗工也

阿兄清皇冠儒紳仲氏田園樂更真共慶天倫  
相聚處驚看風采別來新

酒起黃封滿座香天厨賜饌大官羊筵前花萼  
相輝映家晏從容飲興長

百花庭上奏埙簫子侄聯翩戲綵衣更喜阿戎  
尤典雅人間此樂古亦稀

江東山水美，昆陵秀氣精華毓。俊英況是康侯  
遺澤遠，詩書千載繼家聲。

洛下才名高二陸，河東三鳳擅清芬。何如陳氏  
元方好，難弟尤稱有季元。

多君友愛最綢繆，何事歸心不暫留。先壠別來  
頻在念，春深雨露遍松楸。

琴劍翩翩出鳳城，垂楊夾道曉風輕。金絲低拂  
銀鞍馬，似為行人惜別情。

半蓬山色過維揚，喬木園林已在墓。尊酒逢迎

多故舊喜談上國好觀光

百歲光陰似擲梭人生怎奈別離何客邊風雨  
連床久春草池塘入夢多

槐陰落翠箔中庭庭際花開到紫荊啼鳥數聲  
清晝永眼前風景總闌情

試嘗香稻雪翻匙蓴菜鱸魚入饌肥却憶客臺  
千里外江雲深處塞鴻飛

滿望同雲雨雪時生看飛霰集塔墀人生那得  
長相守對酒高歌類弁詩

嗟我乳乳度此生多君羽翼自天成世稱孝友  
為良德千古君臣有令名

自愧年來兩鬢絲送君却憶識君時江南雪後  
梅花白好寄馨香慰所思

足迹無由到縣亭歲時有酒聚比鄰相逢摠說  
昇平好

萬歲千秋仰聖仁

錢塘王牧之為其友姑蘇賈彥昇寫臨流萬  
玉圖而梅花之清標美韻可見焉彥昇裝潢

成卷特加愛重往來江湖恒以自隨遇有同  
其好者輒出示之因其親友孫公罍謁予求  
詩予亦愛梅者也遂賦七言絕句十二首以  
復之

林屋春雲接具區故園風景勝西湖東君久與  
梅花別幾度鳴榔對畫圖

老幹孤根野水隈天公何事任培栽欲將清白  
駐群品不待東風次第開

碧澗澄澄雪水融橫斜疎影鏡光中落花不肯

隨流水可嘆桃源有路通

勁節稜稜曉帶霜雪中老幹蒼蒼歲寒自古  
稱三友還讓梅花更有香

羅浮山下月將低滿樹梨雲路欲迷清夢此時  
誰喚醒枝頭翠羽一雙啼

朔風吹雪滿江鄉凍合園林萬木僵記得書齋  
老梅樹南枝先已漏春光

平生紅紫不關心獨與梅花託契深莫使高樓  
吹玉笛羌窓長得伴清吟



誰能榮蹇遠追尋  
灞水橋頭雪正深  
詩句但令人膾炙不妨寒氣重相侵

幽人清致與梅俱  
水墨淋漓頃刻餘  
寫出江南無限意  
輞川圖畫竟何如

補之筆法妙當時  
近代元章人共推  
萬玉臨流更清絕  
可能披覽竟無時

鐵石心腸宋廣平  
曾將詞賦寄高情  
何如奮起旁求日  
商鼎調羹屬老成

萬里家山入夢思  
梅花開過似當時  
謾云驛使

頻相遇誰向東風寄一枝

題竹贈李太守

遍舟昔日過維揚遙見城東萬玉蒼近喜重來  
賢太守百年高節共風霜

豸冠霜簡舊風流白首分符領一州退食高歌  
淇澳詠此君氣誼獨相投

題竹贈康憲僉

岷峨秀氣接青冥玉笋瑤竿到處生培養更資  
新雨露蕭韶協應鳳凰鳴

翰林檢討康中振擢四川僉憲專理學校予  
惜其別以此贈之並題於上云

題小畫贈劉副使

閣下聯簪四十春別來忽覺髮如銀斯文相聚  
論文物清立如君有幾人

渚河疎柳曉垂冰樽酒從容叙別情南北相望  
天咫尺忠勤到處有賢名

題蔣主善山水圖

芸閣涼生碧樹風伊吾聲徹白雲中南陽莘野

遙相望千載經綸一緒同

紫闥深掩薜蘿秋曠世知音豈易求一騎霜華  
山踞側却慚剡曲夜回舟

題棊

槐亭日午綠陰移落子聲聲未教逢當局不知  
誰得意旁觀在目幾多時

竹枝歌

爲石湏居泰山頂爲水莫向汙池流泰山巖巖  
人在仰汙池流水同牛溲

井邊莫種烏樗樹道傍莫畱荆棘枝  
檣根穿井水黑荆棘長大勾人衣

送趙吉士

嘉禾山水育英賢馳譽京華正妙年  
却憶雙親頭揔白承恩曉上路河船

具慶堂前酒滿觴驚看別後髻添霜  
人生自是娛親樂况是斑衣雨露香

題竹贈林備謨

琅玕高聳白雲端彩鳳初從紫禁還  
一樂堂前

春畫求翠雲深處舞斑斕

題竹為黃太守

淇澳風霜玉島颺  
瀟湘烟雨遍江皋  
秋空漠漠歸鴻遠  
每向天池看鳳毛

書所見

正統六年歸祭途中作

麪店糟房逼水湄  
細民漠利亦多岐  
每懷漕卒尤艱苦  
却向船頭揮酒旗

到家作

歸拜先塋已七旬  
舊時親友尚誰存  
懷人撫已

頻惆悵為問誰家好子孫

題竹贈李太尹

繡林山下鶴巢湖湖上人家水竹居客裡逢君  
談舊約何時相與訪吾廬

盛族由來育俊英多居為邑有賢名河陽二月  
花如錦爭似淇園一幹清

題竹贈楊寧郎中

武陵秀氣育才猷萬里星軺賦壯遊共羨關西  
遺派遠好將清節繼前脩

山水為俞中書題

故人相遇話襟期  
霜葉林邊野水湄  
好語扁舟隨處泊  
巨川波浪浩無涯

萬壑清流瀉碧虛  
層巒秀氣鬱扶輿  
山中恐有耕莘者  
誰向衡門問起居

送王士嘉侍郎

十載南宮兩鬢絲  
玉壺秋水共襟期  
洛河一棹還鄉日  
贏得松筠似舊時

霄漢飛英五十年  
衣冠今喜賦歸田  
竹窗夢覺



霜風曉猶似朝鍾到耳邊

題竹贈均州太守

楚山湘水共高深秀毓簞簞翠蒲林分得一枝  
春雨後行看千里鵲餘蔭

題竹贈山東楊憲僉

勁節清風眼底稀離情遙逐塞鴻飛  
關西家訓今千古莫遣緇塵染繡衣

題竹贈湖廣陳憲照

太丘遺澤至今存文物清脩有若人  
况是霜臺

遊宦早冰柯玉榦更精神

金臺別思共依依却憶相逢夏口時黃鵠白雲  
猶在望尊前載詠竹枝詞

五馬翩翩浙水東使君風節此君同萬家麥秀  
三春後百里荷花一望中

題玉樹瓊林巷

逋仙一去經幾載贏得西湖萬樹花檀板金尊  
人共賞當時清趣屬誰家

半簾晴雪草堂春石鼎清茶況味真誰羨名園

飛輿享輕車寶馬逐香塵

草木英華總化工千紅萬紫若爲同何如一白  
超群品醞釀調元在箇中

花信風未知幾迴冰稍殘雪絢晴暉一枝好寄  
壠頭客祇到江南去使稀

不見江梅四十春每慙衰老佩朝紳披頭欲

理南歸棹載酒尋芳楚水濱

題山水贈舉人汪浩南還

繡林清氣拂蒼穹古木修篁繞泮宮最喜鄉人

賢子弟詩書勤苦振家風

鄉閭羨尔早蜚英自古良才貴老成好種琅玕  
栽屬管重来天上奏韶謨

鄉貢進士汪浩會試登右榜辭教職鄉里讀  
書以俟下科予嘉其志於其別題以贈之

送王叅政之官

嶺海年來障霧清潞河水滿盡船輕之官更喜  
過卿郡深慰慈闈久別情

送蘓教官宜興

黃金臺下映驪駒  
羨子青年歷宦途  
莫謂廣文官獨冷  
老成朝貴憶師儒  
君家喬木鬱蒼蒼  
秀氣精英毓俊良  
早擁皋比談道義  
詩書千載有餘香

暮年長日憶鄉園  
送客何堪對酒尊  
却羨眉山遺澤遠  
衣冠相繼有雲孫  
陽羨人家尚古風  
近聞絃誦武城同  
多君振鐸文明世  
舜日堯天仰戴中

題山居為陳憲章

雨後群山列畫屏  
綠陰徑路白雲橫  
山翁久抱樓幽志  
莫向溪頭險處行

題畫

葭英蒼蒼早著霜  
鷗汀鷺渚月昏黃  
分明一片江南景  
老筆題詩憶故鄉

題竹贈王憲副

金臺霜柳不堪折  
分得琅玕贈君別  
駕車後夜度閩關  
千里清風九秋月

題岳陽樓贈方廷玉

岳陽樓外水雲深湖上人家竹樹林何日清尊  
尋舊隱高歌頻并醉松陰

題竹贈給事中李景陽歸省

瓊林分得歲寒枝曉向通津送別離蘭棹錦袍  
殘雪霽潞河春水共倚倚

早歲科名屬俊揚幾年簪筆侍明光歸舟滿載  
黃封酒慈竹庭前化日長

題黃鶴樓贈憲幕樂象乾

黃鵠磯頭江水流多君宦況共悠悠南樓月轉

霜臺曉千里澄光接斗牛

昔泛輕舟歸故鄉青山滿望碧流長別來幾度  
江南夢却憶逢君在武昌

題竹贈公安俞太尹

油河春水滿西疇竹樹人家歲有秋憶昔承

恩歸省日居民到處說俞侯

年穀有收頻勸課秋租無欠早收衙琴尊坐對  
南軒竹一籊清陰覆萬家

題墨竹扇寄馬太尹廼尊都博致仕



多君出處與時宜，貌得琅玕寄所思。  
勁節已隨霜雪老，清風都在鳳凰枝。

為洪山住持題梅

冰稍落影伴禪心，一榻香雲入定深。  
塵慮不干清淨界，却根到處是叢林。

洪山咫尺到黃梅，山下梅花幾度開。  
鍊幹已隨冰雪老，不知袒袖可重來。

題枯木贈鄉人河南虞布政致仕

栢府薇垣兩鬢霜，故園喬木獨蒼蒼。  
洛中二月

亦三ノノ言  
花如錦樂處何如漢水陽

題枯木送鄉友王叅議致仕

湖海驅馳雪滿頭南還喜泛潞河舟  
白雲在望江鄉近喬木人家竹徑秋

為楊侍郎題山水

雪磴雲岩擁翠屏時湍瀉玉勢縱橫  
行看流出群峰外萬里江湖一掌擎

幾度披圖詠白駒雲林窮處路崎嶇  
山中恐有逃名者何日從容訪草廬

題鄉友張繡衣墨竹

每懷先壠在豪城喜遇親情話舊情千載萊公  
祠下竹高風寧愧栢臺清

官居種竹久成林地位清高雨露深况喜昇平  
封事少時歌淇澳有餘音

題魚二首

託迹江湖歲月深風波夷險任浮沉乘時變化  
為霖雨莫負平生濟物心

萬物生成仰化功飛潛總在氣機中試看一躍

深淵處人樂天常此理同

送御史劉仁宅之官南京仁宅華容人子  
石邑舊屬華容郡相去無百里仁宅謹厚  
有為可敬賦以贈之

陽岐山水接華容喬木蒼蒼一望中禮樂詩書  
承世澤繡衣驄馬振家風

洛河春半水流漸暫驂蘭舟話別離春酒時魚  
京口驛好懷親舊送行時

危樵謁長陵日午帳中有作

率地青幢坐累茵清茶良醞汗沾巾轅門不有  
持戈者猶勝鋤禾日午食

過舊店憶亡友金少保

昔年扈蹕度居庸接張聯鑣四友同却憶負托  
乘化去重来把酒酌西風

過鷄兒嶺憶亡友蕭用道

眼底誰如直史賢雲霄鍛羽慨當年停驂訪問  
乘鸞處薊屋西風古道邊

口號

口邊呵氣凍盈鬚鬚上飛塵結作珠回視家僮  
渾不識形容改變似愁胡

馬首寒風滿面沙草中亂石似狼牙停車欲盡  
壺中酒遙望前營路尚賒

過鷄鳴寺

石梁有柱勝平原蕭寺遺墟古道邊仰視窮碑  
堪百載豈徒滄海變桑田

題歙江漁釣

霜林霽色映溪流千古清風一釣舟却憶當年

軒冕客誰能事業繼伊周

題竹贈成美教諭

湘江春雨長琅玕淇澳殊風舞翠鸞高節相望  
千里外一枝長日報平安

卿貢進士黃成美以親老就舒城教職予重  
惜其別而嘉其審於所處也特以贈之並題  
於上云

題竹贈何允言

卷阿拾得鳳凰毛湛露香分翠羽翹千里江湖

重回首九重天上聽蕭韶

送雷吉士歸省

湖湘秀氣育時英  
虎榜春風獨有名  
明日升堂拜家慶  
瑤琴錦瑟奏新聲

愧我蹉跎已白頭  
多君年少拔時流  
詩書事業青霄上  
莫向鄉關久滯留

翰林庶吉士春陵雷復景陽得告南還省親  
行親迎予惜其別賦以贈之

送戴訓導



洙泗淵源未易窮青瓊歲月有餘功人生莫厭  
詩書苦千古經綸一緒中

題岫山樵者

斧鐮倏然託此身山中肯看奕棋人仰觀喬木  
懷仁化擁膝長吟對錯薪

題山水

湖水溪山勝畫圖數椽茅屋一床書主人已攬  
澄清轡何日重來訪舊居

題竹

淇澳春風滿舊溪  
渭川清水汎澄漪  
栢臺霜雪交輝處  
好看湘南第一枝

題蘭中書畫竹

肆夏南陔久寂寥  
鸞柯鳳幹聳層霄  
憑誰製作伶倫管  
敲入虞庭奏九韶

山陰渺渺白雲鄉  
水竹人家映帶長  
憶昔抱鋤積雪銀  
絲玉版曉升堂

題梅

西湖風景接羅浮  
萬里江南是勝遊  
月到疎林

清亭覺獨騎仙鶴過揚州

題竹贈莫太守

隱之不易貪泉水半露當年羨獨孤  
重喜昆陵賢太守冰霜高節古人俱

感懷

天心佑國重維持每憶金滕啓卜時  
往事昭昭人共見獨憐叔度聞知

殷憂啓聖由前訓多難興邦自昔聞  
欲遣巫陽招李沈細詢民瘼傲明君

讀漢史有感

達良忠義貫神明富貴何殊一羽輕  
堦上當朝賢智士肯將譏議負平生

題喜鵲送黃成美教諭

玉露秋高潤羽衣杏花壇畔暫相依  
春風有待報聲喜還向雲霄上苑飛

文令名博字弘濟石首人建文庚辰進士宣德初以太常卿兼學士直內  
閣歷官少保武英殿大學士與楊士奇楊榮並稱号南楊三人勲業相埒  
朝廷大制作多出其手顧士奇集皆著錄四庫溥集獨缺茲因  
史經籍志明史藝文志黃虞稷千頃堂書目金檀文瑞樓書目著錄  
溥集著錄又多寡不同王士禛居易錄謂友人金石首屈訪楊文定  
遺集僅得其五世孫所錄文五首詩九首此本出明人舊鈔邊闕上有  
楊文定公詩集七字似將清標付刻故字畫端整惟有詩無文起時序謂  
公歿三十餘年姑蘇項君德來為湖廣憲使以公是邦之望乃取其詩  
刻梓以傳凡四五言古五七言律五七言絕各一卷分體編次卷為第七  
此本缺五言絕一卷世稱西楊文學東楊政事南楊雅操當時不以詞藻

名今觀集中諸作春容雅贍汎：盛世之音與東里文敏兩集如駢之新朱  
棄尊明詩錄僅錄其楊思敬原郭草堂雅集五古一首陳田輯明詩紀事  
即據是本甄係篇什較富章主後陳氏聽詩齋藏書歸月本田中氏文求  
堂嗣又轉入吾家見 先祖五十日夢痕係故此集至今猶為予所珍藏  
書套左下角有敎堂監製小印敎者文求兩字合書此曾在田中氏許之證也  
一九七五年國慶節後三日甘鴻羅繼祖書於長春吉林大學解放路職工  
宿舍之惺飽齋

記事謂所據本真定梁氏舊藏今書中無梁氏一印何也誌之俾後人知其流傳之緒  
決月又記